

Lover for



INRI-
kyrkja



§ 1 Grunnlag

INRI-Kyrkja byggjer arbeidet sitt på Bibelen Guds ord og Den evangelisk lutherske vedkjenning. På dette grunnlaget driv forsamlinga alt arbeidet sitt, kallar frivillige og eventuelt tilset sine arbeidarar.

(1 Den apostoliske truvedkjenning, Den nikenske truvedkjenning, Den athanasianske truvedkjenning, Den augsburgske vedkjenning og Luthers Lille katekisme.)

§ 2 Føremål

a.

INRI-Kyrkja har til føremål å fremja Guds rike og halda oppe eit livskraftig indremisjonsarbeid. For å nå dette føremålet vil ein til ei kvar tid forkynna Guds ord gjennom dei tiltak, reiskapar og kanalar ein finn tenlege.

b.

INRI-Kyrkja vil arbeida saman med Norhordaland Indremisjon og Indremisjonsforbundet for å styrkja Indremisjonen sitt kallsoppdrag. Forsamlinga vil ta medansvar for å skaffa økonomiske og andre ressursar til dei oppgåver krinsen og Indremisjonsforbundet utfører på vegne av dei innmelde einingar.

§ 3 Status

a.

INRI-Kyrkja består av dei medleamar som melder seg inn, og som er einige i §§ 1 og 2, og betaler den årskontingent som forsamlinga sitt årsmøte vedtek, og er gjort kjent med forsamlinga sitt grunnlag, føremål og arbeid.

b.

INRI-Kyrkja er tilslutta Norhordaland Indremisjon og dermed også Indremisjonsforbundet, og vert omfatta av dei lover og vedtekter som gjeld i organisasjonen.

c.

Norhordaland Indremisjon og Indremisjonsforbundet har tilsynsmynde.

§ 4 Medlemskap

- a.
Alle som har fylt 15 år, er døypte med kristen dåp, vedkjenner trua på Jesus Kristus som Frelsar og Herre, er lojale mot forsamlinga sine grunnprinsipp slik dei er formulerte i §§ 1 og 2, og er gjort kjent med forsamlinga sitt grunnlag, føremål og arbeid kan takast opp i fullt medlemsskap i INRI-Kyrkja

- b.
Barn av foreldre som er medlemmer i forsamlinga vert skrivne inn i medlemsregisteret ved dåp. Barn som er døypte i andre forsamlingar vert skrivne inn etter melding frå foreldra. Når barna blir 15 år må dei sjølve velja om dei vil verta opptekne i fullt medlemskap.

- c.
Andre som tilhøyrrer forsamlinga fordi dei er døypte inn i ho, eller sjølv ynskjer det, vert førte inn under avgrensa medlemskap.

- d.
Den som ynskjer å melda seg ut av forsamlinga, sender skriftleg melding til forsamlinga sitt styre.

e.

Ein medlem som aktivt motarbeider forsamlinga sitt føremål og grunnprinsipp, og som ikkje rettar seg etter gjentekne oppmodingar frå forsamlinga sitt eldsteråd, kan verta fråteke medlemskapen sin.

Avgjerda vert teken av styret etter tilråding frå Eldsterådet, men kan etter oppmoding frå den aktuelle medlem bringast inn for årsmøtet/forsamlingsmøtet til endeleg avgjerd.

§ 5 Årsmøtet

a.

Årsmøtet er INRI-Kyrkja sin høgste mynde, og vert halde kvart år innan utgangen av april. Alle som har fullt medlemskap og det siste året har delteke regelmessig i forsamlinga sine møte, har røysterett i årsmøtet.

b.

Årsmøtet handsamar:

- Styret si årsmelding.
- Reviderte årsrekneskapar.
- Lovendringar.
- Andre saker som styret eller medlemene legg fram (jfr. pkt. e).

c.

Årsmøtet vel:

- Styremedlemer og varamedlemer til styret.
- Eldsteråd
- Valkomit .
- Revisor.

d.

Årsmøtet gjer sine vedtak med vanleg fleirtal. Lovendringar krev $2/3$ fleirtal.

e.

Vil nokon ha ei sak fram for årsmøtet, m  denne vera sendt til styret seinast ein m nad f r årsmøtet skal haldast. Berre styret og forsamlinga sine medlemer kan fremja forslag til lovendringar.

f.

Ekstraordin rt årsm te kan kallast saman n r minst $2/3$ av styremedlemane eller $2/3$ av foreiningsmedlemane ber om det.

g.

Protokoll fr  årsmøtet vert sendt til krinsstyret i Norhordaland Indremisjon.

§ 6 Styret

a.
INRI-Kyrkja vert leia av eit styre som er høgste myndigheit mellom årsmøta.

b.
Styret består av fem medlemer som blir valde for to år om gangen, slik at det kvart år vekselvis går to eller tre medlemer ut or styret. Desse kan veljast på nytt. Styret har tre varamedlemer som blir valde for eitt år. Første varamedlem møter fast i styret. Styret er vedtaksført når minst halvparten av medlemene er til stades. Styret vel, seg imellom, leiar og nestleiar.

c.
Forsamlingsleiareren møter i styret med tale- og forslagsrett, men ikkje røysterett. (Dette gjeld når forsamlingsleiar er tilsett).

d.
Styret held møte når styreleiar kallar inn til det, eller eit fleirtal av styremedlemene krev det.

§ 7 Styret sine oppgaver

a.

Styret skal:

Setja i verk og føra kontroll med årsmøtet sine vedtak og avgjerder. Forvalta og føra kontroll med INRI-Kyrkja sin økonomi. Større økonomiske saker må leggjast fram for krinsstyret til orientering, og handsamast av forsamlinga sitt årsmøte. Syta for at arbeidet vert drive i samsvar med INRI-Kyr sine lover.

b.

Styret bind forsamlinga rettsleg.

c.

Styret kallar og tilset dei arbeidarane forsamlinga treng i samråd med styret for Norhordaland Indremisjon.

Arbeidarane blir formelt tilsett og løna av krinsen i fylgje gjeldande løns- og arbeidsvilkår.

d.

Styret kallar inn til årsmøte og tilrettelegg alle saker som skal handsamast av dette.

§ 8 Eldsteråd

a.

Eldsterådet består av 3–8 menn som har tillit i forsamlinga. Forsamlingsleiar/pastor (der slik er tilsett) er ein av desse. Eldsterådet har til hovudoppgåve å visa åndeleg hyrdeomsorg for medlemene. Det skal ta i vare eit særskilt

hyrde- og læreansvar ved å sjå til at forkynninga og forsamlings-/foreiningslivet er i samsvar med Guds ord og Den evangelisk lutherske vedkjenning. Ved avvik eller lærestrid har Eldsterådet ansvar for rettleiing og formaning.

b.

Medlemer som tek til å leve i strid med Guds ord skal handsamast etter Matt 18,15–18. Medlemer som ikkje lever i samsvar med § 1, 1. ledd i denne lov, kan utelukkast frå forsamlinga.

c.

Oppgåver i rådet vert fordelte etter utrustning og nådegåver. Rådet innstiller til styret ved kall av tilsette og frivillige arbeidarar.

§ 9 Oppløysing

Skulle INRI-Kyrkja verta nedlagt eller oppløyst, går forsamlinga sine midlar og eigedomar over til Norhordaland Indremisjon eller Indremisjonsforbundet.

§ 10 Lovendring

Årsmøtet i INRI-Kyrkja kan endra denne lova med 2/3 fleirtal, jfr. § 5 b, d og e. §§ 1 og 2a, første ledd, kan ikkje endrast.

Fotnote til INRI-Kyrkja sine lover § 1:

Vi slutter oss ikkje til Confessio Augustanas uttrykk "vi fordømmer" eller "vi forkaster".

Vedtatt 12. April 2008

Revidert 9. Mars 2016

Revidert 19. Mars 2019



INRI-Kyrkja 2019